



Anna Wangenheim
Demokratit sinnerlugit Inatsisartunut ilaasortaq

§ 37 naapertorlugu apeqqutip nr. 91/2022-p akineqarnera

03-06-2022
Suliap normua. 2022 - 10387
All. nr. 20193512

Asasara Anna Wangenheim

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Naalakkersuisut kigutileriffiini aammalu kalaallit nunaanni kigutigissuunissamut qanoq takorluugaqarpap?

Akissut:

Nuna tamakkerlugu kigutigissaaneq Peqqinnissaqarfiup ataaniippoq. Peqqinnissaqarfik Nuna tamakkerlugulu kigutigissaanerup kigutit peqqissuunissaat ataatsimut isigalugu anguniagaraat. Periusissiami "naqqaniit" siusinaartumik meeqqani suliniuteqarfeqarnissaq anguniarneqarpoq. Taamaattumik angajoqqaat akisussaasuunerat kingornalu nammineq akisussaaffeqarneq, kigutininik peqqissuutitsinissaq, inunni ataasiakkaani pitsaaliuineq aaqjissuusamillu sap. ak. marlukkaarlugit atuarfinni flourimik erroritsineq ukkatarineqarpoq. Amerlanerpaat inersimasunngornissamut kigutaasa peqqissuunissaat sapinngisamik anguniarneqarpoq.

Taakkua saniatigut Nuna tamakkerlugu kigutigissarnermi suliarinninnermi, aaqjissuusaanikkut ineriartortitsinnermi, piginnaanngorsaanerme sulisussarsiornermi sulisullu sulisorineqaannarnissaat anguniagaqarpoq. Tamanna "Kalaallit Nunaanni kigutigissaaneq pillugu periusissiaq 2019-2024" (Nuna tamakkerlugu kigutigissarnermi massakkut taagorneqartumi) allaqqavoq.

a. Meerartatta inuusuttattalu 18-nit inorlugit ukiullit kigutaasa peqqissuunissaannut suna anguniagaava?

Akissut:

Kigutip ipiutaasaata aseruunnerinut periusissiaq 2019-2024-mi anguniakkat uku allassimapput:

- 2024-mi 3-nik ukiullit 90 %-ii kigutimikkut putoqannginnissaat anguniarneqarpoq. 2019-mi periusissiap siuliani 80% anguniarneqarsimavoq.
- 2024-mi 6-nik ukiullit 65 %-ii kigutimikkut putoqannginnissaat anguniarneqarpoq. 2019-mi periusissiap siuliani 50% anguniarneqarsimavoq.

- 2024-mi 9-nik, 12-inik aamma 15-inik ukiullit 80 %-ii, 70%-ii aamma 50% kigutimikkut putoqannginnissaat anguniarneqarpoq. 2019-imi periusissiap siuliani anguniarneqarsimasut anguneqanngitsoorsimmamata anguniakkat sulii taakkuupput.

Meeqqat alliarternermi kigutaasa peqqissusaat ajortikkiartortarsimavoq. Taamaattumik inuusuttut 16 – 21 akornanni ukiullit massakkumiit ukiumut aalajangersimasumik misissorneqarnissaminnik ilaatigullu suliarineqarnissaminnik neqeroofigineqarput. Neqeroorut 2026-ip tungaanut ukioqatigiikkaanik ataatsimik ilaneqartassaaq tassani 25-t angullugit ukiullinnut neqeroorutigineqartassamat.

i. Kigutit putoqannginnissaannik suliniutip nalilersornera sumut killippa aammalu – massakkumut – meeqqanut inuusuttunullu suliniutit sumut killippat?

Akissut:

Apeqput 1a-mut akissut innersuussutigineqarpoq.

ii. Suna pequtaava, kigutit nallorissarnissaat Nuummiunuinnaq neqeroorutigineqarnera aammalu 5.klassinuinnaq?

Akissut:

Kigutininik narlorissaarsarnermut atuuitsileqqinnermi aningaasartuutit Aningaasanut inatsimmi atuuttumi akuersissutigineqartut pioreersut iluaniiginnarnissaat aalajangiunneqarsimavoq. Nuna tamakkerlugu kigutigissaanermi kigutininik nallorissaanissamat neqeroorut aningaasatigut sulisoqarnikkullu immikkoortinneqarsimasut naapertorlugit neqeroorutigineqarput. Aningaasaqarnikkut sulisoqarnikkullu periarfissarititaasut naapertorlugit Nuummi killilimmik neqerooruteqarnissaq kisimi periarfissaagallarpoq.

iii. Qanoq ililluni naatsorsorniarneqarsimava, meeqqat ima amerlatiguisinnaat bøjllersissinnaanerannut?

Akissut:

Kigutininik narlorissaaneq nalinginnaasumik 2 – 3 ukiut sivilissuseqartarpoq. Taamaattumik meeqqat 150-it ingerlaavartumik suliarineqartuarput. Nuna tamakkerlugu kigutigissaanermi sulisoqarnermi kigutileriffiillu amerlassusaat naapertorlugit meeqqat 150-it missikkaarlugit kigutininik narlorissartinnissaanik suliaqarsinnaavoq. Tassunga atatillugu erseqqissaatigineqassaaq 2022-imi kigutininik narlorissaanikkut aqqissuussinerit tamakkiisumik aningaasaliiffigineqarnissaat naatsorsuutigineqarmat.

iv. Akialu qanoq naatsorsorneqarsimava? Siusinnerusukkat naatsorsueriaatsit paaserusuppakka allannguinnermut sanilliunnissaanut.

Akissut:

Apeqqummut 1a-iii-imut innersuussisoqarpoq.

b. Inersimasunut 18-nit sinnerlugit ukiullinnut kigutit peqqissuunissaannut anguniakkat uani qinigaaffimmi suuppat?

Akissut:

Naalakkersuisut qinigaaffimmi uani meeqqat inersimasullu kigutiminnik peqqissusaat pitsanngorsassallugu anguniagaraat. Aammattaaq apeqqut 1a-imut akissut takuuk.

- i. Naalakkersuisut nassuiaaqquneqarput inersimasut 18-nit sinnerlugit ukiullit qassit kigutileritissimanersut ukiuni 2017, 2018, 2019, 2020aamma 2021?**

Akissut:

Naalakkersuisut inersimasut 18-ileereersimasut ukiut kingulliit tallimat kigutiminnik suliaritissimasut kisitsisinngorlugit nassuiaasersuisinnaangillat, tamanna piffissamik isumalluutinillu atuivallaassamat.

- 2. Naalakkersuisut nalunaarutigisinnaanerlugu, sulisunut tunngassutilinnik Danmarkimi tandlægeforening suliaqarsimanersoq Kalaallit Nunaanni ilaasortanut tunngatillugu? a. Taamaassimappat suliakkiutit suusimappat? (soorunami kikkuuneri ersersinnagit).**

Akissut:

Peqqissutsimut Naalakkersuisoqarfik kisitsisit pineqartut pillugit Danmarkimi Tandlægeforeningen saaffigisimavaa, §37-mulli akissuteqarnissamat piffissaliussaq nallertinnagu akissummik tigusaqarsimanani. Naalakkersuisoqarfiup akissuteqarnissamat killigititap kingorna paasissutissanik pisariaqartunik tigusaqaruni ingerlatsitseqqiiumaarpoq.

- 3. Naalakkersuisut Nuummi kigutileriffiup allineqarnissaanik/annertusarnissaanik pilersaaruteqarpat? a. Taamaassimappat pilersaarut taanna sumut killippa?**

Akissut:

Naalakkersuisut Nuummi qitiusumik kigutileriffittaartoqarnissaanut pilersaaruteqarmat Aningaasanut inatsimmi sanaartornissamat immikkoortitsisoqarnikuuvoq. Isumassarsianut siunnersuuteqarnissamat suliniuteqarnerit aallartisarneqareerput ukiassamullu piareernissaat naatsorsuutigineqarpoq. Saniatiguttaa qitiusumik kigutilerivissap nunaminertassaa pillugu Kommuneqarfik Sermersooq suleqatigalugu inissiiniartoqarpoq tamannalu ukiamut inissinneqarnissaa aammattaaq naatsorsuutigineqarpoq. Qitiusumik kigutileriffissap nunaminertassaata sumiinissaa apeqqutaallu suliarinnittussarsiornissaq sanaartorerullu aallartinnissaanut pilersaarutit inissinneqarumaarput.

- 4. Peqqinnissaqarfimmi sulinermi atugassarititaasunut suliniutinik sunik aallartitsisoqarnikuua, tassani kigutileriffinnut attuumassuteqartut pineqarput, APV (Arbejds Plads Vurdering) 2018-imi saqqummiunneqarmalli?**

Akissut:

Peqqinnissaqarfik 2019-imi APV-imik suliaqarpoq. Najukkani sullivinni avatangiisilerisut APV-nik suliaqarput aamma MED-ini ataatsimiititaliat.

- 5. Pikkorissarnerit suut aammalu piginnaasat qaffassarniarlugit pilersaarutit kigutit nakorsaannut, tandplejerinut, tandklinikassistentinut sulisunullu allanut tigutilerinermi suliaqartunut ukiut kingulliit tallimat iluanni piviusunnngortinneqarnikuuppat?**

Akissut:

Nuna tamakkerlugu kigutigissaanermi pikkorissaanermut piginnaangorsaанermullu ingerlatsinerit ukiut tallimakkaarlugit isumaqatigiissutigineqartartut/aningaasaliiffigineqartartut ataasiakkaarlugit paasissutissanik katersiffigisinnaangilai.

6. Pikkorissarnerni/ilinniaqqinnissamullu pilersaarutini qassit immikkoortinneqarpat sulisunut aalajangersimasunut sivikitsuinnarmillu sulisunut?

Akissut:

Naalakkersuisut kigutilerisut atorfeqavissut tamarmik atorfininnermut isumaqatigiissutit naapertorlugit Tandlægernes Kursusfondimut qinnuteqarsinnaasut paasissutissiisutigisinnaavaa. Peqqinnissaqarfimmi atorfillit tamarmik, aalajangersimasumik atorfininnermut isumaqatigiissuteqarsimanngitsut Særlig Kursuspuljemut, ukioq ataaseq sinnerlugu atorfeqareernerme qinnuteqarsinnaapput.

7. Kiap aaliangertarpaa piginnaangorsarluni ilinniaqqinnerit/pikkorissarnerit sulisut akornanni immikkoortiterneri?

Akissut:

Naalakkersuisut Peqqinnissaqarfimmi piginnaangorsaанerit sulisut aqutsisullu akornanni eqqartorneqartarnera isumaqatigiissutigineqartarnera soorlu Sulisut ineriartortinneqarnissaat pillugu oqaloqatiginninnerni (MUS) ingerlaavartumillu avitseqatigiittarnermi pisartoq oqaatigisinnaavaa.

Pikkorissaanissamut aningaasanik immikkoortitanut/aningaasaliiffinnut qinnuteqartut ataatsimiititalianit nalilersoqarneqartarput ilaatigut napparsimasunut, Peqqinnissaqarfiup aaqquusaанeranut sulisullu ineriartoqqinnissaanut pissutsit isiginiarneqartarlutik.

Med venlig hilsen
Inussiarnersumik inuulluaqqusillunga


Mimi Karlsen